

漢觀集
 五言古詩
 定公生楚詩并序

吾釋氏者定世古昆吾人客漳久之
 俗居開元寺業白以老至元四年秋
 賊來攻城甚急漳人莫知所出定
 密而祝曰使城不陷賊吾當火吾身

元 釋大圭 撰



以答已而果然越六年夏遂系薪爲
龕室西郊行與衆訣衆留之不可乃
自燔其間其火之始張也人視之泰
然無豪髮惴惴色郡人咸大駭異請
卽其地作塔廟以祠於乎定以誓故
生而自焚其若得罪於名教者然與
夫食人之食而見危不能致命立人
之朝臨大節而變者不亦遠乎哉况
定之心以一身全一城之死靡渝亦

宜若無得罪於名教者也抑吾聞定
老出世學其成就豈此哉人殆見其
膚耳定之詳余實得之靈源上人源
與之同居又將經始其祠者且請余
爲之詩曰

羣兇白日至梯衝舞巖城疇能身獨死而俾城
不傾定公出茲誓金石開精誠未幾來訊醜復
見溝壘清前言儻云食吾將負神明積薪自厝
火怡然就無生何意奎玉軀倏忽煨燼成顧此

無餘事足為流俗驚塔廟遂翼翼鐘鼓初喤喤
為國效死節勛哉爾簪纓

逢蒙

敦弓彀明月挾拾生清風一發期必中大射師
友同學成遂專巧教者初無功其心既殺羿天
下惟一蒙含戴亦齒髮位置立才中如何懷此
逆天地或爾容嚙齧果有術肆毒應無從蚩蚩
一為鑒雖以保令終

送吳生官平灤州學

聞名不一識始識還我辭間子何所之出為百
里師灤河偈幽朔士者剛勇姿一陶以禮樂揖
讓中州為儻可行所學無擇官高厚上以育人
材下以開民藝為國右庠序深意良在茲海風
天南起桐葉初去枝諸侯起相送張飲連夕暉
子有二三策宿昔獻彤墀從來志經世况有御
史知茲焉發初轍遠大以相期

田家

日夕多鳥雀桑麻亦扶疎煙四五家依依又同居是時雨新足野水明四渠兒童呼黃犢散漫來近墟老翁已辛苦入夜歸日盧月出猶未眠相與近村沽今秋有租稅當春力犁鋤

晚過何氏林園遂成清集賦詩

日入雨新過陰陰羣木寒茲來愜林景况復得所歡所歡者爲誰何掾邀數賢喜客意無倦促席聞清言取泉浸新瓜摘果來中園新亭會觴酌高燭明開寬而我素不飲亦復舒芳顏詎前

固異操離合感多端深懷一飯意月出猶盤桓

客趙鄭二生者談歐陽室形勝

衡門何蕭條竟日抱冲寂有客方起余清懷話山澤載言歐氏居乃何龜巖側嵌空卽遺構茅茨少人力上有松可樵下有泉可食行海得長林息偃亦盤石雲橫雨崖青月出雙澗百垂蘿飲羣猿蜜蔭會歸異娛情匪一端悅目固多迹肥遯諧宿心逍遙願同適閒此感客言胡乃後良覩棲遲久欲往夢寐嘗所歷且復留清吟同

宿風雨夕嘉約詎敢志明當理巾策

游龜山

六月廿六日同趙生許氏兄弟游龜
山山之大小石下有道址相傳歐陽啓
讀書中此因造焉相與慷慨賦詩分
韻得魚字

閒情素乖裕犁彼中林居林居水云果幽賞意
有餘出郭青山多佳水亦扶踈竝游得良友方
駕從所如翠微薄炎景蘿風汎涼裙雲逕步窈

窈石門入清虛少留席置草綠褥綿以舒藁祠
翳鳴鳥石澗清有急形神一蕭散疲勩亦已祛
黃緣龜巖東近卽歐陽廬懷賢仰高躅撫蹟驚
廢墟願留石中室畢誦人間書茲焉恐遲暮暮
春空躊躇

造唐山人居

行行野田盡荒蹊入秋水何人有新屋鬱鬱松
牀裏欣然造其門晤言得君子解衣坐得涼超
遙適間美日簷踈雨晴山色散窓几石上聞鳥

鳴林端見雲起平生事外心即此胡不喜少暇
同飲泉幽期自今始

次韻王季鴻游九日山

季鴻王君攜友游九日山過姜相墓
感秦隱君能爲卜葬事不暴於世弔
以詩余未識其人愛其詩亦次其韻
有客車馬同新秋在雲巘幽尋意方愜周覽涕
欲泫碧草滿地生白石湖空轉下有丞相墓柰
此牛羊踐隱君苔深遯芳木足幽蹇維時諒多

艱此地憩重躋日長脾書盡歲暮越山遠初月
閒嘯歌歸雲向息偃鶴足喜松高魚心畏池淺
有懷草與同向古一何緬姜公實英材悟主片
言善位及台鼎崇職當練垣選骨鯁乃左遷時
違蓋多舛澹泊兩相求綢繆永云展叶嗟日南
英梁裸先摧翦微爾收白骨當時委蒼蘚逸事
傳海陬史氏闕光顯千載有若人游歌始相勉
往古凜尚蹤來今戒鴛蹇友道日以姝殷憂何
絲遣

送友人行

雲林滿寒色送子行江臯離魂黯將別斯暮猶
風濤萬里方道路一心慎所操居恒苦局促出
豈圖游教摘珠水何深采玉出未高輝光有後
得辛苦無前逃相知在伊昔散帙兵明膏積齡
蓄奇志識察非兒曹遠道子獨往中心我誠勞
端居盡白日柴門翳逢蒿思存不在日還往空
加毛衣巾有新雪殷勤念同袍惠聲因歸翼歲
晏舒鬱陶

次韻王觀明冬日感懷

幽抱恒弗舒徂年矧當急方茲感朝寒怨復悲
日入晏溫豈無時霜霰意夾集念之悟浮生俛
仰二毛及翕翕恥並趨嘯然就孤立懷我同心
人蘭竟無廢緝高臥思雲林世紛苦維繫發輒
方自茲多岐亦屢泣窮居守簞瓢適遠困登笈
已矣各勉梅龍蛇有時蟄

和詹生飲酒二篇

百慮中已灰何獨未忘酒君言酒可念飲此益

我壽渾然一真性，毫偽寧復有。醉中意尤長，家人視諸友。

磨子真國士，博學乃多能。堂室有廉隅，後來復誰升。張生獨高義，古學已川增。沽酒家保來，問作詩服相知。久逾蜜餘子，方背憎獨醒。有不免熟醉良可憑，一言事剛制羣狐聽。春水

和再飲酒二首

余既和磨生飲酒詩，數日生載歌詩。不謂余和而心欲余和之，余知生久

重違生意，乃疆和生云。

流醜世已甚，之子但醇醇。讎書南郭下，獨抱希世珍。所願非聲利，有懷在清真。日夕放入至，持觴時茹新。斷飲果何謂，開飲詎云宣。淵然一方寸，忻厭其滑之。伊人固殊俗，又道有天資。已忘忻與厭，酒至無固辭。

南野

張都君有樓瞰城南之野，因自號曰

南野

高樓對青山美人南城不知市塵中白日車馬
聲人樓兩相高上與雲月并手持古書坐澹澹
香煙生豈必逃林莽後鶴迺可盟彼哉宅幽昧
何得居高明薰風襲太和天池挹至清歸休廣
莫地優游觀八紘茲懷復誰識時以野自名

古意八首

美人如瓊英被服閒以嘉獨居芳年晏媒氏絕
行車當口理清琴曲終復資嗟山有蘭蕙草木

有夫容華盈盈絕代色日夕念無家

朔風生夜寒孤妾維帷間晨興開粧閣流淚復
潺湲流光損華色佳人滿邯鄲娟娟有新悅君
子不思還願君異明鏡照心毋照顏

良人出不歸孤妾在中閨夢中或從行覺來但
空樓驪燕一乖闊顏色日慘懷愁將清鏡照獨
掩春妝啼方聞鵲鷓語日夜鳴莎鷄恐君盛年
去妾身賤如泥中心冀君亮終始願不攜

月出照我牖獨聞林鳥鳴機中織文錦殷憂竟

何成持此悅誰自良入千里征別離今幾日碧
草生閑這何當一來歸泣涕言斯情

亭亭雲中鶴自昔為僊侶僊人寄之書飛來不
吾與我欲凌青霞頗知塵世苦杳杳莫嗣竟三
山在何許

大星何落落小星亦離離須臾素月出羣景遙
相睇念我嘉友朋攜手同所歸盱矣道路長悵
然不可期

山阿有香草采采不盈掬願言遺同心日夕行

空谷遠道阻關河懷人在心日芳菲幸未闌聊
以身佩服

白雲空中起一雨羣物滋浮生在世間徒費食
與衣古人雖已死清輝照無期豈復同碌碌寂
寞黃泉歸

去草

歲暮孰華余幽蘭植前阡何彼蕭與蒿亦復長
青青紛羅奪幽色荒穢蔽紫莖拔去在今日寂
食心始寧蒿也非爾惡所懷亂芬馨

答詹先問吾弟病

青春紫荊花柰此天風寒兼旬在牀蓐霄淚紛
潺潺我生寡昆友寔恐骨肉殘陰陽一為寇有
甚探囊丸歛來驅瘴旬展玩臨風欄上期勿藥
喜下言吹篳歡感激故人意欲報空長歎

山行

幽齋捲孤坐高步入清坦雲散碧天空雨餘山
生綠野草春已芳水禽請更浴寂莫有所思倚
徧西巖曲

平窓池水

白石圍方池碧泉湛清冷幽人窗下坐蕭蕭讀
書影時復一沈心對此萬慮靜
此心淨如月獨照一泓水終歲湛不搖口口絕
塵滓執謂但清空嘉魚從中起

重尋歐陽書室簡信道同游

佳游念茲山何心計脩阻一來感奇逢再至欣
夙親蕭蕭讀書巖高風凜終古雜木荒女蘿遺
蹤記環堵當時想禽魚英姿識龍虎而我後千

齡披榛悼前武，磴道方涉雲松林。忽聞雨悠然，遂忘歸遠意。入平楚，旣爨石上室，復息林下宇。長颺涼衣巾，尊暮多笑語。鄉來同苦辛，殷勤問游侶。

臺上晚涼未去

高臺日將暮，風涼未歸客。長歌林木秋，微靄山光寂。素友適心期，幽賞忘物役。殷勤松間月，照我歸途白。

白夫渠

夫渠生遠陂，采采升中堂。汚泥失故迹，清風來新香。一薰塵念遠，三嗅煩襟涼。芳菲日以暮，顧眄何繇長。亭亭白玉質，玩之不可忘。

秋雨

林廬白日晦，門掩清秋雨。端居無與娛，孤抱亦良苦。開卷一尉心，同人在千古。

病聞錢將軍過訪不果，因其聽雨詩用韻謝。

始聞顧蓬華旋覺回，高軒屬余方臥疾。傳呼無

乃喧愛人諒以德所懼傷形魂念茲感深竟藥
火聊自焯今春秋東閣顏色何溫溫經時不相
見秋雨滿地盆伊人亦冲澹微登坐黃昏病身
有羽翼一笑及積墩

送同袍

楚人不愛寶白璧埋空山賈胡得明珠置之骨
肉間富貧誠自取愚智不同年方今江湖上龍
門盡開關百寶浩如海虛往蘄實還居諸易去
邁少壯不可閑送子卽長路而我胡爲然相期

匪一朝顧影深自憐曾楓發中野返景明飛翰
留連豈不好局促非所安驅車日以遠滿目新
山川他鄉有明月夜夜照子寒行止各異趣夢
寐空盤旋歸來儻及早共采桑上蓮

題遠綠亭

金華閒上人作亭封止絕頂因高而
望羣山皆來余以遠綠名其亭而題
其上名取諸唐高僧鬢休詩語

新亭始云揖藁木已森森城郭萬井喧儵然此

中林主人愛嘉客而我來清吟朝暘麗初霽開
戶羅數岑千里出臺杪双明洞高深嵐將宿雨
滴翠與浮雲沉眉濃有新黛變木及未簷宛轉
呈姿媚頃刻移睛陰真觀落塵色爽氣開靈襟
蒼煙起華薄迴見歸飛禽維茲古皇宅鄂公舊
鋪金奇蹤諒神闕煥發方自今亭亭金華翁名
迹詎足侵翠屏澄相對永日坐鳴琴青青亘終
古可比靜者心

銅爵臺

高臺一曲歌陌陵水將落肅瑟總惟寒秋風淒女
樂魂魄不復來觴豆但如昨柰此白日何朝照
銅爵

次韻詹生謝許氏兄弟餽訪

許生和詹生春雨寒歌且餽之油因
弟訪簪致焉適出尋有詩謝余以其
相與敦友道甚古可尚次韻

端居念易盍獨往情自適寧知高齋閑白日來
清客相望竟參商不得司几席緬然懷伊人貞

姿敵金錫

伊人不可見百憂寄新章未遑軒車去豈謂道
里長春彼鴻維序冥冥道彌光義曲寒士歌重
我孤憤觴

斯文人陵遲一樓存已僅高朋掩義娥小男口
螢燐懷哉大雅姿粹純未俗恠竊恐遂白頭寸
心坐灰燼

蘭膏侈新貺高義莫與倫清光六籍間悠悠自
相親茲烏一照沫杳爾相潛鱗願口同出處往

矣天地濱

勢利衆所趨友道日無歲勞心思古人努力在
吾輩相看黃髮期共攬青霞佩惟應秉素節歲
寒見貞隄

送同邑長高昌公北上

天朝一四海荒徼猶近鄰維同去萬里監邑余
有臣猗歟高昌公三年此爲春絃歌響十室并
里安四民一邑之風化豈不闕厥身講學必四
代游心在成均遇士或俊秀揖讓同薦紳時聞

有折獄語及六經淳往者食險徒舟車斷通津
自公一為政幡然變頑囂卧見治效豚魚孚有
仁報政及茲日星言駕駢駢卧轍似無路頌聲
起連旬曰公寔王佐民社釐以親故家重垂閭
清選皆天倫行應昭代須大惠周下人

題脫將軍明寬堂

一堂有向隅賓客顏如灰所以為天下勿俾異
樂哀不有明與寬安得眾所諧明則見人濫寬
則可遠懷八紘亦云廣何物口春臺口侯寔知

國匪直扞城村愛國如愛家矢石冒不回其居
萬夫二甘苦一與偕禹因凱歸假白日東第開
中堂燕朋酒髦俊千里來海邦一靜治折衝在
尊蠻擁旄寄方面餘地或恢恢維侯翊王室蔣
星烟三台具瞻方自茲曷不崇勲階

僧兵歎

饑民聚為盜鄰警來我疆有兵旣四出頭會口
家人良趣赴義軍選萬室日夜忙吏言僧實多
亦可就我行牧守為所悞歐僧若歐羊持兵衣

短袂一時俱反常伊余生不辰逢此祇涕滂慈
悲以爲教王臣所金湯復之勿徭賦甲令明有
章胡爲不爾念而此出倉皇軍旅託未學佳兵
云不祥永言媿二子歸哉慎行藏

哀惠廓上人

甲午冬聞惠廓上人死象運山中竟
不知其何如死其死何時死之信不
且不可知也明年冬乃得問故於其
徒惟質質能言其死狀廓初辟亂山

谷間久之以待親歸尋往奔其姑喪
至則爲人所殺寔去歲十一月十一
日也在吾門者如廓不多見而死非
命大其謂何始吾欲哭不得其故不
敢哭焉今哭之矣既哭爲詩哀之

喪亂就爲之哀哉自蒼旻蒼旻覆下土胡乃不
我仁此邦失綏馭干戈起齊民一州環七邑何
人匪王臣官軍久不出所至多陷倫之子在溪
上奔竄如驚口負母入巖谷承顏無賤貧辛苦

復來歸亦日問嚴親流離不忘孝如此端可人
老姑實父黨赴救寧無因柰何嬰奇禍清血遂
麗塵虎口諒不免龍淵宜自珍物情固多變前
知詎能神悲風東南來死生苦難真欲哭殊不
敢涉歲今已旬因人一問故始識遺此屯衝寃
卽長夜萬古嗟無晨口信爲材刀鋸絡弁鄰茨
棘一無用成蔭彌冬春爲子獨永歎榮姑竟誰
陳

夢觀集

七言古詩

哀阮信道詩 并序

余欲作哀阮信道詩久矣竟不復能
作而仲昭蒲君巧能作詩哀之且言
其母老子幼而喪在殯者四年于茲
是可哀者夫以阮之材枉於時血窮

元 釋大圭 撰

國家圖書館, NATIONAL CENTRAL LIBRARY, TAIWAN, R.O.C.

窮且死死不能葬而其母子又如君
所言者雖行道之人亦哀之况同志
乎然余以爲徒哀之無益必使其存
歿有所濟可也今君以其哀之者示
諸人人使入其言阮其得所濟矣則
是哀豈無益哉余遂亦作哀阮詩次

君韻

少微星墮南天寒先生何之魂魄單平生窮塗
已屢哭身後淺土誰當看青天夢夢訴無處人

間顛倒施冠履彫蟲傷屋亦偶然屠龍海國還
歸去新人已遠令人思響來相識驚慕遲取良
雨後茗同煮對竹雲深詩旋爲百年未半成朝
露地下祇今龍怨慕孤兒拜客不勝衣老母啼
看嘔心白眼前寂莫安足論貞曜名香看刻文
仁人義士萬金產得不爲爾摧心魂

和詹生春雨寒歌

十日春九日雨空屋貯寒寒色苦曉雪都城陌
上泥暮雲不見城東樹所思今何處相去纔幾

許獨將寸心寄短琴琴老無絃暗塵士東風吹
落錦一帳文章字字成金玉中有苦寒詞調古
聲更悲賡歌我不忍上訴蒼蒼和俗眼瞳人久
生脂競收頃尾遺瑰奇野舍乘軒士徒步黃土
被繡人無衣天公有意回春襖干林一夜生紅
綠長年呻吟卧掩門人生不鮮同草木君勿歌
春雨寒我有雨耳愁心百盤爐空葉已灰屋漏
苔生椽簷聲夜夜春水懸人間惟我與子同此
味鬢髮未白書如山春雨寒歌一闕窮達在天

愁不得嘗時短衣夜半悲飯牛何如學取滴頌
聲金石

出無車

出門便有路路經天長盡何處今日出門去不
去去時喫苦不得住蘭生腳背汗雨流草鞋穿
破脚不羞太砂小刺踏入肉疼痛連口眉摠蹙
前村落日孤起煙客子苦饑還問宿歸來資用
無一存大悔三月不出門白面年少命運好連
鐘駟隘衢道肯信無車一生老

寶公新堂歌

寶公之堂天下奇十日不倒思見之暗泉流來
不知處盡作寶公堂下池朝朝坐客笑譚裏黃
金鯽魚三百尾風波不動入影閑口片口天在
寒水丹口百尺新樓開六月面面清風來青山
有眼愛人好隔雲飛無相徘徊從來山水心所
向池上高歌復樓上我亦結茅歸作堂歲晚置
身山水鄉

賀太守雨

金烏翅熱珀石海紅天南早火蒸蟲蟲眼前枯槁
百物同穀價騰湧田苗空清源太守清河公愛
民二念天與道黎明乞水龍王宮桑連華開瞻
大雄入牧效職毫光中奔走屏醫驅豐隆飄翻
甘霖交蒼穹餘波近還流無窮歡謠載路歌年
豐再拜又牧真吾翁下車三月恩已蒙三年惠
我期有終世家闕闕開國功歸朝綏駕無念念
紫雲芾蔭羣衲兼作詩擬待觀民風八荒霖雨
功益崇修名萬古齋華嵩

日者劉代

更生之孫清而腴淵源千載天祿書施懷自托
日者學蕭然野服來通都支干生勝出口誰從
清鏡逃妍醜達官連騎塞里閭市人懷擘爭奔
走列星布置胸中天下簾一笑收百錢淫坐瞽
史語神怪獨談性命非同年詭詭終朝勞人爲
君長歎息黃金臺上方急賢曰首南尚爲客坦
然坦然地行僂有暇與我相聯翩春風捫江呼
酒船與酣夢入三神山下塵觀世磨蟻旋歸來

門前客如雨窮通身外初忘言

壽母歌

啓先貧能養親聲閭閻間其親高年
康疆今八十矣鄉之士榮其有壽母
也咸歌之余與之方外友亦歌以爲

子母慶

清源西郭先生廬先生食貧身枝先生有母年
八十綵衣白日來庭除天朝肝食求秀孝人偕
計吏趨公車堂堂此士固殊衆浮湛不去將何

如白頭偏窺要菽水青雲有路遲吹噓堯夫自
樂足甘旨安仁時賦行拔輿吾知忠臣出孝子
有道不獨鳩州閭金花鸞誥指日至丹楓雨露
無時臻先生先生勉終初功名一笑真緒餘高
堂蚤夜承起居病起加餐厭寒殖來茲逾八還
望九盤中好致春江魚

夜聞水車

旱火秋蒸土山熟新苗立死田寸裂西風何處
送鳴鳴一夜水車啼不歇水車身作水中龍赤

腳踏龍憐老翁白水田頭有未落千畦萬畦雲
雨同流蘇醉臥誰家子有耳不聞汝啼苦水龍
水龍汝勿苦及物無功得如汝

次韻王觀明爛柯引

汝誠王君觀棋有得遂舍所玩作歌
以見先余喜而次韻和之

入關爭先取秦鹿逡巡失路行孤竹相持堅壁
久未出脫兔無人追逸足兩豪角立成敵國一
決雌雄看終局西探虎穴歸不歸先聲萬里天

南飛機行九地步重圍的盧一躍先遊驩眼中
鷺起長江曉羣鳥飛去斜陽了王家瓜葛英雋
郎晚悟名象真樂鄉文楸忍澗春汁香人間日
短僊長濕螢入囊堂寒雪清光不盡書瞳月

南山食笋

蒼龍起藝破口壤昂昂勢欲千雲上一夜風雷
無處尋君家玉盤薦蕭爽詩豪挾攪冰雪腸條
忽驪珠光在掌謂川無謝千戶封金鉉空聞太
牢響主人主人奸培養籬下龍孫看新長他時

杜杖來叩門萬玉排簷夏清響

次韻陳隲民惜春

金尊瀉酒胡琴語白日長看華在樹東方一夜
來戲人老紅飛盡江南雨歡君莫苦愛流芳紅
顏百歲終黃出山人眼底不見春古松陰陰翠
虬舞

築城曲

築城築城胡爲哉使君日夜憂賊來賊來猶隔
三百里長驅南下無一跬吏胥督役星火催萬

口哀哀亘雲起賊來不來城生成城下人語連
哭聲官言有錢顧汝築錢出自我無聊生敗取
人心養民力萬一猶能當盜賊不然共守城者
誰解體一朝救何得吾聞金湯生旣樞爲國不
在城有無君不見泉州閉門不納宋天子當時
有城乃如此

僧兵守城行

驅僧爲兵守城郭不知此謀誰所作但言官以
爲盜防盜在深山嘯慕薄朝朝上城候點此羣

操長竿立槍藜相有歷頭一驚笑竹作兜鍪殊
不惡平生獨抱我家法不殺爲律以自連那知
今日墮卒伍使守使攻受官約謂增非僧兵非
兵未聞官以兵爲謔一臨倉卒將如何盜不來
時猶綽綽敵人日夜相我城示以假兵無乃弱
我官自有兵與民願放諸僧卧雲壑

夢觀集

五言律詩

重五日弔古

楚國丈夫去彭咸從所居祇今浮水馬何處開
江魚異俗悲遺事雜騷讀舊書一觴川上酒斜
日雨踈踈

世故

元 釋大圭 撰

國家圖書館, NATIONAL CENTRAL LIBRARY, TAIWAN, R.O.C.

世故占星變吾生共月孤此時無夢寐長恐涉
艱虞山色宜茅屋松花落飯盂素心將獨往及
早謝人徒

萬國

萬國鎖兵器天上落彗星苗民思帝力二材舞
王庭大漠秋無戰窟閣夜不烏屢問寬大詔風
浪靜南溟

左公督捕歸

南來持彗使騎氣滿丹口獵虎放寒幙豺狼失

暮沙清風開瘴癘奮懷挹光華翼翼勲勞大桓
圭立帝家

寇平誦諸友相問

隣州傳警急病客慰親歸海上初聞信天南已
解圍弄兵民亦細臨陣將能飛好在詩君子吾
生幸有依

雲榭

陳玉成霸業哉國獨新臺寂莫千年恨傳呼五
馬來秋風樟樹老殘照在碑頽舊事今誰說天

晴海色開

送宏上人寧親

新知得之子歸夢忽丹霞
一棹清江曲相看白日斜
庭閣多壽色甘旨及秋風
賴有諸兄在重依古佛家

道邊古井

壞甃沒荒草寒泉如許深
何年有此井過客嘆無禽
素便斷新汲青松落晚陰
極憐抱清冽照影獨沉吟

壯歲

壯歲不自食有懷成著書
從來生計拙天意果何如
樹近秋聲早苔深轍迹踈
知音人豈小顧已塊空虛

對梅思遠

梅華開滿樹誰與共襟期
有客猶千里無人寄一枝
江南天欲雪歲晚子何之
愁殺黃昏月孤唵立水湄

病不能寐作

長生一病後生意苦無多相對孤燈在不眠青
夜過向來殊可笑後日竟如何默定行藏計餘
生委薜蘿窓曙來禽語庭寒獨橫青物華猶婉
婉吾道已伶俜白日荒人事殘年對佛經古來
豪傑者多少老況冥

正月游片瓦巖道人留竟日適興成詩

片石成巖屋高扉寂莫濱雪晴來野客春早見
幽人煙火寒山近盤蔬午甑新留連愛林麓城
郭有囂塵

送義講師北上

清涼餘韻在敷唱得斯人白日天花雨玄譚塵
尾春鄉書稀到蜀蠻語漸通聞去去金臺上經
筵寵渥新

黃仁山輓詩

閱代衣冠古黃公孰與儕時清成大隱頭白尚
長齋天意來多福人生竟有涯相從悲劍化鷄
嶺暮雲薶

訓三生留別

相對譚玄久依依別古皇夕陽幽寺好人事蚤
春忙門掩香仍在山空草自長興來雲榻近杖
屨更何方

送齊上人之浙

相從久寂莫此別竟何如暮雨勞行李秋燈憶
讀書枕清吳地狹舟亂浙河魚適遠多幽思吾
生媿獨居

何生

南國有君子陰陽衆者流下簾白日晏沽酒玉

林秋欲去問八字知余老一邱譚天對豪傑躡
屨入神州

客中簡知己者

天意妨吾道生涯滯客鄉風高秋影亂山近雨
聲長慷慨君相識飄零我自傷山中半間在屋
債情誰賞

顧熊父挽詞二首

故國咸淳老餘生濟世心藥能全萬命家自致
千金杯酒清譚足華堂戲綵深一朝成古昔埋

賣藥全高節，勤求有命妻。相從就窳劣，不自試
刀圭。後福延苗裔，三三三。江流五色筆，空
羨照黃泥。

輓黃郎

堂堂江夏士，意氣復誰如。一笑困何粟，長歌客
有魚。高名傳異域，晚節在吾廬。舊接清歡極，秋
風足轎車。

善叔死母哭之哀

藉甚吾宗彦，天乎不永年。高堂生白髮，老淚到
黃泉。烏鳥無歸日，松林有鳴煙。一生辛苦志，身
後幾人憐。

陳南山輓詩

元龍湖海士，老大閱艱難。子舍傳家政，僧齋話
歲寒。長歸新宅兆，不見古衣冠。尚想平生事，臨
風獨永歎。

次韵相待山行

山北尋雲去，城南覓見來。相期曾宿昔，一笑出

塵埃市酒逢人勸春陰近午開深知凝望久搗
手躡崔嵬

曹吉

君今浮舶去因識遠游心衣食天涯得艱難客
裏禁春帆連海市暮鼓起香林一笑歸來好高
堂壽百金

送遠

秋色連平海悠悠送遠心征人辭夕照孤客倚
寒林北去舟多雪西游橐有金何當一回首舊

隱白雲深

贈徐山人別

相看初下榻餘子漫如林人物南州士梅花歲
晚心政須同煮茗何事即分襟後口千客裏無
從聽鼓琴

過必上人

君居高樹下六月得清風世事不復問心期誰
與同日長泉自汲隣曲逕幾通愛我重留話深
秋月滿空

陶生^我真友生恨不同今清節照當世黃花知此
心衣冠思典午詩酒寄東於寂莫將千載無人
歸去吟

唁許生

幽明分仇僂碁月廢游歌疇昔偕期口老於今
柰若何春魂來夢寐秋序感蹉跎一擊莊生缶
憂端未覺多

蘇氏

榮居三十載將母育孤兒之子有如此他人誰
過之素塵生曉鏡涼月八秋帷真節蒼千古
茫獨爾思

黃山長內子輓詩

闕闕鍾醇懿來嬪江夏黃同心空自結異路竟
相望環珮歸何處鳴旌帶夕陽十年今得葬無
憾卽玄堂

和孫公子游南山

帝里歸來日胸懷尚昔年人材今可郭公子獨

無前大旆光南寺清吟到暝煙功名方鼎鼎未
許傍雲眠

晚過許生遂相攜至蔡家新亭

落日淮橋上因君得勝游花溪入流水林院近
清秋撫景方成玩題詩更少留悠然心迹靜新
月照歸休

次韻星父

中年親舊遠寂寞歲時過有山南集開道月下
歌三更來白露一水靜銀河不得同清賞因詩

感慨多

院檄歸田于我賀主者

使院來新檄蓮宮復舊田頓除經歲患應為主
人賢合浦收膏壤同袍仰天食汶陽歸魯後麟
筆動千年

雲上人

上人善醫且相以游四方余固知其
寓於技者也因贈之言

藻鑑高双眼刀圭活萬人劣材能濟世行橐自

生春譚笑諸侯客，餅盃釋氏身。識真合已少，誰信混光塵。

送嘉惠師禱雨歸

郡以皇致嘉惠師禱雨未足沃村民
言以師歸襮孺聽之偃松諸上人作
送歸詩亦謂余作

幢蓋來嘉惠，湯年待煖焚。衣冠趨梵殺，風雨起
爐薰。并有迴泉脉，田無補地文。尚何懷故里，遠
近一慈雲。

訪東寺不在

東郭尋幽事，高人滴出游。不成相問訊，欲去復
淹留。湖近荷香入，亭空樹影浮。更須乘月夜，行
徧竹林秋。

送知藏有歸山

君探龍藏徧，猶有去來心。久客流年易，故山歸
夢深。林泉成獨往，風月廢同吟。別後多春嘒，嚶
嚶聽好音。

晚涼知許生獨在小櫻寄贈

落日見山色小樓初罷書晚涼成獨立幽興在
高居皓月僧鍾遠微雲鶴樹^疎極憐登眺好詩律
近如何

簡魏文憲二首

南國微兵賦中軍重椽曹塞氛方不靖王事敢
云勞匹馬秋風晚朋尊海月高澄清天下志餘
事及詩騷

林居長閒戶無意傍青雲此客人關少杯茶松
下分神山誇獨步連翠楮多聞歲晚來同社里

時早策勛

送奇上人迎師觀京師

許告南天晚趨奔朔雲寒帝鄉非故土人物已
新蕞哭位顏如對歸喪魄亦安師門諸子在生
死一生難

孫母顏氏輓詞二首

五鼎家侯食伊人獨飯蔬聲聲諸佛近經卷一
燈初南野空陳迹西方有淨居長歸祇遺蛻萬
古闕幽噓

當時禪內治懿德玉無瑕夙夜憂宗祀勤勞在
主家新阡成馬鬣舊社有蓮花萬里資成使哀
哀哭海涯

潁川安人輓詞二首

事竣猶姑氏從夫若大賓多儀皆掃道百歲但
情親雲暗魚軒遠天寒馬竄新歸尋泉下女曾
憶故益人

潁水成東逝僊山正夕佳得男非我腹有後慰
中懷大易家人饋周詩季女齊傷心無腹見丹

旆已天涯

送詹海漚清谿游

谿水如蓋綠幽人一葉舟夕陽成獨酌山色在
中流清興今誰及長吟不自休歸來期掃榻相
對話良游

贈孟伯真憲即別因謝墨竹

養親須薄綠竹吏本無心霜雪知清節乾坤付
漫吟舊游南國滿新夢北堂深老我雲林下憑
誰豁素襟

墻陰數藁玉筆底有清風留贈非無意相期迴
與同歲寒猶特立心事一玲瓏何以酬知己猗
猗在眼中

題五峯巖

一尋五峯老孤塔在雲端鐵策已古色石房空
晝寒風流無後輩山水入多盤見說潛公隱天
華雨滿壇

東濟上作

大江日東去吾道竟悠悠一世幾同志百年空

白頭青山猶人俗皓月不隨流安得長風便孤
舟萬里浮

唁基道人喪弟

只謂百年成春令相近飛急難長在服風雨一
同歸死別驚心早情親舉世稀斷雲秋日暮念
爾獨何休

次韻啓生懷陳衆仲阮信道

舊游陳弇阮不見獨成吟無復此聯壁爲誰重
鼓琴朔方文字下同

老南國酒杯深今日風流遠令人恨滿襟

南國

南國地皆赤吾生亦有窮豐年何日是菜色萬人同海上舟頻入民間楮已空猶聞穀價湧開羅若爲功

餽饗

餽饗資邊閩南軍萬竈寒斷糧今紫月爲變豈無端衣戍留文吏秋兵劫武宮到頭就誅戮餓死固應難

桑城

桑城連盜賊國楮斷新頒只少材充制衣非關上有怪人情無用舊世事漸成艱陛下明仲日更張一鑄山

有懷

不知經此亂猶及見吾親歸去嗟無落淹留媿有身孤城閉白日四起野黃塵我里今何似區區欲問人

哀鄭亢宗

每侍尊公側顏開白玉溫相期成遠器何事作
歸魂舐犢能無淚瞻烏尚有恩蒼天不可問端
遣幾人存

病甚郭上人能來

卧病百餘日擁食山雨寒世人不我愛之子獨
相看市藥能盈裏春蔬得滿盤一闌此問訛吾
道媿艱難

亂餘饑又甚雲散我廬空時運方如此人心莫
與同病身須一壑天下付諸公爲報平安友途

今處處窮

次韻啓生因所見有感

四門磔群賊餓者競趨之顧此果何物猶能療
汝饑虎今生角翼民已竭膏脂無怪人相食干
戈正此時

夢觀集

七言律詩

獨坐

秋風一來林院深
開戶自強焦尾琴
藂木寒涼獨鶴白
亂雲高下群山陰
老天有月照閑坐
清夜無人同苦吟
古來窮餓得不朽
我生與世空浮沉

元

釋大圭

撰

國家圖書館, NATIONAL CENTRAL LIBRARY, TAIWAN, R.O.C.

登雲樹

老屋危臺雨氣昏
石苔不見舊鏡痕
當年霸業旌麾盡
故國秋聲樹木存
度海鴈行驚斷角
近城螢火沒荒垣
無人去買長餅酒
一醉陳王千載魂

湖上蘭間中

秋近清波荷葉圓
葉陰蔬處見青天
偶臨湖坐得佳樹
欲傍花行無小船
林院鶴歸山色外
水亭人去夕陽前
深知碧玉壺中樂
一笑臨風揖

地僊

王丞石泉

白日蓊蓊屋上山
泉聲一道碧雲間
十分如練月同色
萬古不痕天照顏
靜夜竹齋知雨意
清秋茶鼎共僧閑
甘寒可濯功名念
公子青袍鬢未斑

詹生

長材碩德見特清
底事斯文未有靈
天上誰傳子虛賦
日斜猶草太玄經
龍媒在野空思秣
鹿

角浮陽競闖萍
顧我孤雲巖壑底
相看一笑眼
偏青

蚤起

山鐘喚我披衣起
浩蕩曉陰猶未開
稍覺柴門
稀應接
獨憐幽鳥下
每苔束書如舊歲
年晚藁
木近秋風雨來一笑
莫思身外事
好將蘭蕙編
庭栽

輔上人身京師還
遂如海上省觀

萬里黃金臺上客
白雲回首故山深
庭闈歲月

催髮^華包笠杖風
拊寸心百福起居曰定省
三年音信問浮沉
不從客路看明月
身在青青桑梓陰

顧生

材調如君許
倔奇遯身藥市
不求知風流譚笑
來東晉家世淵源
接上池經驗方傳
函是王活人心在
鬢成絲從今努力
行醫晉國沉醉休
歌白紵辭

送錢將軍北上

魯國將軍蓋世雄十年歸卧海門東舊游臺閣
諸公在當日京師萬馬同行李忽來人意外觚
稜重入眼明中聖心政爾思頻牧待賜臨軒節
錢崇

送呂生訪所知湖陽

浩水詩名喧嶺海天南有客力吹噓夢魂秋盡
繞韓水老氣年來歷鱷魚風波扁舟酣笑語布
衣行李半琴書青雲六翮看高翥林麓何時共
卜居

哀千德符

深期久屈一時伸自髮逢爐竟不春在抱孤兒
方識毋藏書萬卷付何人總惟像設空堂暮簫
寺琴尊異世身同社相逢俱涕落百年無復見
遺民

霞山逸民

卜築初成在燕居紅塵飛不到林廬開門海月
來清夜隱几松濤滿太虛酒熟賸招持蟹客家
藏深愛相牛書城中少識龐公面遠挹高風謝

不如

病起見必上人去秋所惠詩次韻

閉戶春風燕子前寥寥孤坐掩殘編
中年心事復誰識南院故人殊可憐
隔歲相思詩在篋清秋憶共夜譚^禪
交游疎遠身多病莫笑當時孟浩
然

送孫計摠

六轡如琴仕路春司存計省政方新
聖朝化洽關雎盛史筆芳聯漢吏循
伯仲堦簷聞上國衣

冠閣闕擅全閩此時長晝勞鞭筭萬一皇家憶
盡臣

孟上人蘭若

長松短草秋風早野寺寥寥古意存
老我獨來呼聖佛傳家猶喜見玄孫
門前月落東湖綠舍北雲寒古嶽尊
坐愛清游歸未得多情煮茗薦
盤飧

貧後

貧後故人憐我少秋來清興爲誰多
獨將好句

徧題竹猶喜新衣一製荷
山曲白雲朝自去樹頭孤
月夜相過百年已分長冰
藥眼見風生陸地波

南山隱者

獨抱胸中五色霓
南山高處樂幽棲
瓦墻護竹涼書牖
砂井分泉潤藥畦
白日杯茶多過客
長年更漏一鳴鷄
此身未得同君隱
回首杉松翠葉齊

寧海橋

鑿石爲梁歲月悠
山川有待得譚侯
海橋壯觀成三趾
國士勲名出一頭
大浪不驚虹影濕
高車齊度馬聲秋
玉湖湖上通行路
浩蕩餘波萬古流

示上人客魚石歸詹王二生信宿

天近瑤臺新月明
相思無路去尋盟
三秋海上歸來客
一夜燈前笑語聲
黑髮滿頭含瘴色
清貧到骨有詩情
歲寒尊酒諸公在
預戒春風卜遠行

南院故人至

不見故人今幾日
滿山風雨落花聲
雲林孤坐度芳歲
林屨一來開晚晴
尊燭西窓深夜語
卜隣南橋下生盟
病身已是棲遲久
汗漫相將游太清

用韻與史眉山別

清嘯神山日未斜
獨騎官馬入相花
盡驅春意蘇亭戶
不遣丹心負帝家
烏鹵八州瞻幙應
風雲萬里接京華
去時得路揚鞭闊
野衲相思自

摘茶

答周詹二先輩過甕天

緬思邃古尚巢居
一室盤蝸不願餘
身外置錫似無地
眼中插架漫多書
梅詹覓句供閒趣
竹榻冥心到物初
賴有儒林烟連壁
相期結社慕匡廬

定居寄嶠翁

囊空負我買山心
珍重多情許贈金
烏鵲倦飛三匝後
鷓鴣初託一枝深
竹窓斜日猶開卷
松

榻新秋自理琴後此卜居塵事少高車莫惜過
雲林

過鄭氏新居

芙蓉池上晚涼初萍葉青青一雨餘落日無人
來洗馬小亭臨水見游魚清吟我亦志歸去長
愛君能此卜居繞岸近栽新樹好相期重看綠
扶疎

至北山

何處人間清意多疎松白石散巖阿道人汲水

煮新茗念我攀雲到碧蘿泉谷夕陰留杖履林
廬秋色入婆娑野猿聲斷青天外便欲臨風一
浩歌

吳公輓詞

家聲襟樂古延陵立政臨民自有經父老數州
爭說尹蠻夷一節舊星^瞻鄞江路接黃泉迴錦里
春回玉樹青歸與淑人同穴好老成何處見儀
刑

故人過訪

七天長身臥故廬日斜起作對殘書幾入歲晚
能相問一榻山中獨久虛好客新秋夜林屨小
窓暮雨共盤蔬相看道義有真樂萬事悠悠總
不如

王中榮新亭

長江東去萬銀濤遠嶼西來擁六螯中有新亭
專物色極憐吾子近風騷窓開白晝雲根立露
灑清秋碧樹高見說良宵滿欄月呼尊留客試
新槽

中秋雨

中秋有月不可逢杖藜起踏臺前松天公一收
玉免去廣寒盡遣玄雲封歸來閉閣風雨集憶
昔登樓賓客從百年人事半憂樂過眼陰晴知
幾重

青松山中次韻基道人

金粟山高曉雪晴柴門相對有餘清因逢好景
成歸隱自許閑身樂泰平白髮已無塵世夢青
松新結寒歲盟北林有客同岑寂旋煮谿蔬折

足鐺

廓上人事毋疾愈

高堂傳說病逾深多少關情自不禁歸去恐無
嘗藥日平生兼有識蒲心烏衣子弟皆如玉青
筍啼痕欲滿林一夜秋風蘇鶴髮笑攜杖錫人
雲岑

送王國祥游吳

南國故人獨可憐輕別閭里何翩翩斷髮舊聞
泰伯國扁舟初入鴟夷天雲連茶竈自隨去月

在蘆花相對眠祇今老我不得往為傳清夢到
吳堦

聞世基補漳吏寄贈兼簡靈源上人

捧檄天南一笑春幾年身作卧雲人相材自古
出吏胥史傳後來無逸民清鏡多情猶白髮青
山有路隔紅塵舊游西寺靈源在為報哀年但
隱淪

十年

十年不見鐘鼓食今歲仍遭饑饉時只道民間

須振貸誰憐我輩亦彼羸強持一鉢向何處自
笑空囊尚有詩早覺無錢助官糴也應屠販遠
群兒

吾郡

吾郡從來稱佛國未聞有此食人風凶年竟遣
心術變未俗何由古昔同市近祇今真有虎物
靈猶自避生蟲諸公肉食無充耳急爲饑民散
腐紅

賊起

賊起南州不出兵守攻一切付諸僧便將梵誦
爲無益爭奈戰征非所能佛法自茲看掃地吾
徒誰復辯堅冰白頭歸就儒冠老飲水茅簷樂
曲肱

懷惠廓

聞道崎嶇盜賊間爲親扶持入深山竹林罷淬
時供價宣草忘憂不解顏亂世幾人能色養故
園何日遂生還我家亦有高堂在音信寥寥道
險難

不得惠舟信

一去梅花嶺上村，
可堪羣盜起如雲。
汝身不識今生死，
消息何中遠聽聞。
舊隱琴書鎖秋色，
孤城關柝急斜曛。
四郊此日方多壘，
魂夢相尋路不分。

送錢介夫如臨漳別野

南州鼎沸涕堪流，
安得如君海上游。
果陷孤城誰獨免，
能尋樂土更無愁。
秫田釀酒終朝醉，
荆木開花一樹留。
亦欲奮飛憐老我，
丹霞何處強

登樓

轉上人亂後不來

作客桐花苦歲荒，
挽衣不住頃離腸。
能無一壑同薇蕨，
祇說故山多稻梁。
迴首想應豺斷道，
寄書未有鴈成行。
時危老我空相憶，
况見孤城閉夕陽。

用韻題松雲八景圖

一到城西甘露寺，
只今山色似當時。
清淡客去雲長在，
乞食僧還鶴正羸。
松栢青青猶古意，
茅

茨歷歷有新詩曾知此地多風月寄語煩囂世
上兒

六言

淮橋二歸別許生

高樹新涼雨意斷橋落日水聲中有幽人獨立
白雲一片猶橫晚色詩晴澹澹秋陰客影冥冥
回頭試問淮水何時重到南亭

無題

樹影半窻明月蟲聲一夜清秋我意浩然千古

人間總是閒愁

夢觀集

五言絕句

必上人所居竹

白日炎氛遠清陰敷廣庭歲寒抱高節霜雪獨
青青

桐上井

曉風吹銀牀蕭蕭古桐樹時有新汲人併攜落花去



龜峯絕頂

危石青入雲上有千歲木我來臥其間天風響
巖谷

石上

久坐大石上青天行白雲野意道不得幽鳥隔
林聞

凌霞觀舊迹

石壁立萬丈仙人青雲端不見來笙鶴落日天
風寒

行松林中雨欲至

石磴下欲盡松林新逕開黑雲何處雨時過帽
山來

雨少止下山

苦愛山色好獨乘清與來歸時却惆悵石逕有
莓苔

雨歸

不向青山宿青山笑殺人黃昏獨歸去衣上雨
痕新

歸至中野

雨色滄微陽歸情已當急空野夕涼多共對青
山立

山雨

山雨夜鳴屋涼秋風滿林一貧纔到骨萬事已
無心

亦有

亦有往還者自懶與相期獨坐柴門裏青山無
去時

見月

天地幾昏曉浮生半是眠寄聲世上客明月爲
誰圓

聞蛩

蛩鳴東壁東蛩鳴西壁西老我中間坐遠近一
聞齊

遲明

山曉欲無色鷄寒猶有聲客中魂夢小風雨隔
林生

江晚

長天鳥飛盡兩岸蘆花發何處一舟來清江上
秋月

憶梅山隱者

夢入青山去獨尋雲侶游依稀攜手處月上石
門秋

七言絕句

漁父

大兒船頭新得魚小兒船尾炊彫胡老翁一笑

江湖落西林有酒滿瓶泣

夜起

野人獨卧山中屋夜半雨聲清夢熟起來竹下
一開門秋八千峯月如玉

顧氏亭菊

顧家亭館四時佳薄暮來過到月斜徙倚不知
秋色冷赤蘭干外有黃花

德林

我是道林君德林休論異趣不同心三株樹下

扶疎月幾日來聽子夜琴

次韻詹生臘雨不出

憧憧入市蹋泥行獨有高人息外營
隱几讀書心似水空齋不斷雨來聲
愁生懷抱苦無端歲晏囊空阻一歡
欲折梅花當分歲黃昏飛雪滿城寒

呼同游

春山雨後碧如苔爲問閒人幾
个來不去題詩巖下石澗花紅白
爲誰開

題龍引子朝天畫

淵龍飛出霧如山龍子相隨闖九關
遙想雲宵新得路雨聲一夜到人間

書雪夜訪戴圖

萬古神交共此心時當何事下山陰
遙遙一棹言相訪安道門前雪正深

山谷草聖

涪翁醉墨動驚蛇流落人間幾歲華
長恐六丁起雷電爲龍飛去玉皇家

赤壁畫

寒山影落大江流，赤壁應難似舊游。
風月當年收拾盡，黃州副使一扁舟。

和用平懷南上人三絕句

寒窓貝葉共平生，聽盡燈前片雨聲。
今日悲涼只孤坐，殘編上見蠹魚行。

人間有道冷於秋，伐木無聲萬古愁。
頭白東峰一遺老，獨尋宿草弔荒邱。

寒雲長閉舊林廬，魂魄歸來日已疎。
欲見懷人

更無路，空山秋色對禽魚。

看山

青山遠近畫圖間，落日秋風得意看。
紫翠重重歸鳥盡，四窓不掩石樓寒。

賣書贖友

故人欲行萬里外，自言囊橐尚空虛。
我貧無物堪爲贖，賣却平生一束書。
通財我亦聞諸古，空有平生氣義高。
深媿窮途

負朋友極憐富室積金刀

長門怨

娥眉無綠鏡生寒忍見銅鋪月又圓一片君王
心似昨曾將金屋貯嬋娟

瑤臺曲

冠佩朝天逐伴歸玉簫聲裏露沾衣曲終十二
樓頭月萬青里雲一鶴飛

詰嚮香者

戶外聲聲賣紫檀貧家誰辨買香錢如何不向朱

門喚沉水煙中人醉眠

鄭老人

白頭含笑倒長瓢話到前朝感慨鏡無復吐茵
當日夢海雲樓上對春潮

聞鶯

竹邊睨睨夢魂驚啼破春風似有情花樹柳臺
聽得慣金衣好云九重城

出山自笑

都將聲利付時人野鶴孤雲物外身底事半生

双白足今朝蹋破一紅塵

苦旱

春秋黃稿百泉和龍骨聲中泣老夫不恨長饑
委溝壑長官秋至索王租

王季鴻相邀不去寄謝

閉門藏拙久雲林俎豆諸賢媿此心
珍重形骸外相見春風塵壁下桐琴

懷復初翁

玉立清標不受塵閉門寒趣自生春
東山興盡

歸來後一樹梅花對病身

世塗差狹道難行獨負文章一代名
舊日著書無恙不入間千載子雲生

錢石平王一寸心如何西望亦沾襟
蓊林元氣關公等不說鍾期莫鑄金

石笋溪堂

白沙青樹帶人家門外溪聲一派斜
欲買扁舟同野老月明吹笛入蘋花

卧病懷金粟山人

身不能飛祇自愁
閉門卧病盡高秋
無因去作
山人客長嘯清風十二樓

示兒袍

天南爲客度黃花
一笑歸來共歲華
老我不知
身是病自吹松火熟
杯茶
試論心事一開顏
萬事如今只等閑
病起朝朝
相喚去海城西北盡
青山

病起簡所知

清白堂前客似雲
新詩吟罷倒芳尊
不知尚記

龍鍾不病起雲深
獨掩門

長恐心期媿古人
半生曾未拜車塵
獨憐身世
枯蓬草零落秋風
不見春

池上

綠淨涵空護碧苔
方方一鏡向人開
晚涼獨立
心如洗風破浮萍
片月來

感蠹書魚

臨窓清曉獨長吁
在眼陳編有蠹魚
身世區區
文字底當時魯叟
亦捐書

聞杜宇

情知望帝是前生春盡江南憶錦城到處青山
山有樹如何編起故鄉情

不宿李氏

坐我高齋笑語新此時歸思浩然生不因乘興
一來往爭識孤雲物外情

有懷

落日孤城想故人三千客路淞江濱恨身不解
相隨得目送長風北去雲

南墅十二詩

晦忠堂

新堂猶揭舊堂名坐記當年一愴情萬里虎頭
身許國歸來煙雨課春耕

菱風桂露之鄉

菱葉風來水氣浮桂花露濕月明秋此時身在
銀河上不躡僊槎駕玉虬

一山平野

雨過羣山掃綠埃無窮野色望中開漁樵往往

斜陽外三隔前川喚不來

水木清華

春流遶屋似江湖綠樹當門作畫圖白日風波
渾不見一双漚鳥起投壺

燕窠凝香

眼冷樽前舞袖紅日長高枕自清風功名擾擾
平生夢分付黃雲一棹中

池堂春草

二儀清氣幾曾衰前輩風流可得追康樂後身

孫處士一池春草夢回時

草堂

杜老高風六百年茅茨那得尚依然側身西望
人多少萬里橋頭不盡天

處士橋

無意起時愛穴寥一溪流水斷塵囂幽人石上
看雲屋車馬來時莫過橋

山蔭溪曲

清溪流繞碧巘崿便作陰一樣看今日戴公何

處在滿船風雪不知寒

揔相宜船

彩鷁不飛連碧波此中公子醉眠多
傍人剛道相宜好夢入西湖聞棹歌

翠香館

萬甕吹香客倒稀青帘故故舞斜暉
主人家有如甌酒不脫鶴裘得醉歸

嘯雲臺

高臺直上接青雲一嘯晴空十里聞
天上神僊

平地有群兒何事醉塵氛

晨興涉園

遠畦青青蔬菜涼渠水新添一尺強
倚杖方知山雨過夜來底事夢魂長

病起

澹澹心情病始甦蛛絲風葉小窓虛
祇今嚼蠟人間未歲晏生涯有束書

扁舟

蘆荻風生水正肥老翁含笑坐魚磯
扁舟棹入

城中去白日，城中滿是非。

歸來

歸來溪上一茅堂，讀羅陶詩倚石牀。
萬事悠悠長嘯裏，開門風雨麥秋涼。

懷雲橋

我懷別後向誰論，雪曲城時苦憶君。
何處有樓三百尺，抱琴長對子山雲。

白鷗

白鷗飛來磯上晴，中有老翁相對清。
東風斜日

一飛去，獨照白頭江水明。

茅屋

茅屋陰陰水北財，滿林書卷一桐孫。
雨聲長在黃梅樹，四月來時不出門。

徐老人至

久聞兒輩正匆匆，水國歸來一室空。
白日有誰來過我，北隣七十二年翁。

戲成

城郭無心寄一瓢，此身便欲老山椒。
山童忽報

松華盡又逐扁舟上早潮

謝檄

謝檄歸來卧白雲
祇今心事與誰論
故人似
蒼苔好歲晚晴青一到門

寂寞

寂寞荒庭摠是秋
菊花開晚尚風流
斜陽病起
一相對底事旁人不解愁

珠公歸自東陽山中出其山居豪因賦
政爲時危去卜居
不知霜雪滿頭顱
歸來一笑

詩成卷還記桃源路也無

日日思山不肯歸
年來心事固多違
老禪真有
誅茅地應許孤雲作伴飛

八笏

我屋清陰未苦濃
天教頭角破苔封
明朝一一
青雲上誰信山中有八龍

簡郡守

天子臨軒遣老臣
亦憂塗炭遠方民
祇應三載
清如水不泥天南一點塵

哀殍

斗米而今已十千幾人自在到明年誰門有粥
如甘露活得操瓢死道邊

閔農

經年不見大田秋賣盡犁鉏食養牛儻有後來
畊種日一時相顧更多愁

世事

世事紛紛勿重陳柴門高掩百年身滿頭白髮
不須雍相識如今復幾人

病中鄭南村至

病身如鶴寄枯林浮世無人識此心不是君來
相問訊四簷風雨入呻吟

簡郡守

近日清聲不及初使君心事果如何盧公只作
桃源縣三載猶同一下車

夢觀集終